



# ज्वजलपा वाऱ्वा

JWOJALAPA WEEKLY

दैं द ल्या: ०६ (पूर्णडक १५३) ने. सं. ११३७ गुलागा चतुर्दशी आइतवा: २०७४ भाद्र ४ गते आइतवार (Aug- 20, 2017)

मू द १- पृष्ठ द

## १७ गते नेवा: पत्रकार राष्ट्रिय दबूया न्याक्वःगु दँमुज्या

छगू हे दबुलिइ न्याम्ह पत्रकारपिन्त ब्यागलं ब्यागलं न्यागू पत्रकारिता सिरपा: लःल्हाइगु



नेवा: पत्रकार दबूया ब्यागलं कथं वेभ साइट संचालन याइगु  
नेवा: पत्रकारतयगु नितिं कल्याणकारी कोषया घोषणा याइगु

ज्वजलपा वा:पौ/

देयन्त्यकंया नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूया न्याक्वःगु दँमुज्या वइगु भदौ १७ गते शनिवा: यँय तःजिक याइगु जूगु दु । देयन्त्यकंया नेवा: पत्रकार राष्ट्रिय दबूया केन्द्रीय पार्षदपिनिगु सहभागीता जुइगु उगु दँमुज्याया नितिं माःगु कथं तयारी जुइ धुंकूगु दु ।

नेवा: पत्रकारतयगु छगू हे थासय् मुंका: नेवा: पत्रकारतयगु भूमिका, भिगःया ज्या नापं कन्हय् यायेगु ज्याया बारे नं सहलह ब्याकेगु अले न्हूगु योजना दयेका वनेगु नितिं देयन्त्यकंया नेवा: पत्रकारत थुगुसीया दँमुज्याय सहभागी जुइ धका: नेवा: पत्रकार राष्ट्रिय दबुलिं धाःगु दु ।

नेवा: समुदाय दुने न्हापांगु व्यावसायीक संस्था कथं न्ह्या: वनाच्वंगु नेवा: पत्रकार राष्ट्रिय दबूपाखें थुगुसीया दँमुज्याय विशेष याना नेवा: पत्रकारपिन्त हःपा: विइगु कथं न्यागू पत्रकारिता सिरपा: लःल्हाइगु जूगु दु । थीथी विधायीपिं नेवा: पत्रकारपिन्त हःपा: विइगु कथं ब्यागलं ब्यागलं कथंया सिरपा: लःल्हायेगु तयारी याःगु दु । उगु सिरपा:या नां धा:सा सार्वजनिक याःगु मदुनि । सिरपा: विइगु इलय् हना पौ नाप नापं ध्यवा तर्क लःल्हायेगु ज्या जुइ धका: नेवा: पत्रकार राष्ट्रिय दबुलिं धाःगु दु ।

अथे हे थुगुसीया दँमुज्याया भुवलय् नेवा: पत्रकार राष्ट्रिय दबूया आधिकारिक वेभ साइट तर्क संचालन यायेगु ज्या जुइ धका:

नं धाःगु दु । अथे हे नेवा: पत्रकारपिन्त समस्या वइगु इलय् स्वाहालि यायेत नेवा: पत्रकार कल्याणकारी कोषया तर्क घोषणा याइगु जूगु दु ।

नेवा: पत्रकार राष्ट्रिय दबू नेपाल आदिवासी जनजाति पत्रकार महासंघया महत्वपूर्ण छगू अंगः खः । उकिं नेवा: पत्रकारत नं आदिवासी जनजाति पत्रकारत नाप नापं जाना वनाच्वंगु दु ।

संचार जगतय् नेवा:तयगु पहुँच थ्यंकेगु, नेवा: पत्रकारतयगु नेवा: हे जूगु नातां जुइगु विभेदयात अन्त्य यायेगु, नेवा: पत्रकार तयगु सक्षम याना व्यवसायीकतापाखे यंकेगु, नेवा: पत्रकारतयगु हक अधिकार स्थापित यायेगु, नेवा:तयगु मुद्दायात संचार माध्यमपाखें प्रचार प्रसार यायेगु, नेवा: पत्रकारतयगु छर्पं छ्छी यायेगु, मेमेगु जातीय पत्रकार संगठनतलसे जाना वनेगु नाप नापं नेवा: पत्रकार तयगु नितिं मंका: कथं न्ह्या: वनेगु आजु तया नीस्वंगु नेवा: पत्रकार राष्ट्रिय दबूया निक्कःगु तःमुँज्या थगुने जक किपुलिइ जूगु खः ।

नेवा: दबूया राष्ट्रिय दबू १०६.६

नेवा: सः नेवा: एफ. एम. १०६.६

नेपालभाषा एकेडेमिया नितिं  
अनक मिडिया प्रालिया न्ह्यब्वया  
न्हिच्छिचच्छि (२४सै घण्टा) न्यनादिसँ/न्यंकादिसँ  
नेवा: जुयागुया गौरव यानादिसँ



नेवा: एफ. एम. १०६.६

न्यामासिमा, द्यःधवाखा, किपू-२

फोन ४३३४२२२

ईमेल: ankmedia.newafm@gmail.com



## भवन निर्माण सम्बन्धी सूचना

यस कीर्तिपुर नगर क्षेत्र भित्रका सार्वजनिक, पति जग्गा, सार्वजनिक तथा सरकारी सम्पत्ति, सार्वजनिक बाटो, ढल, कुलो, खोल्सा, खोला, मिचर भवन निर्माण गर्ने, नक्सा पास नगरी भवन निर्माण गर्ने र स्विकृत नक्सामा पूर्व अनुमति विना हेरफेर गरी भवन निर्माण गर्ने क्रम वढेको भनी व्यापक जन गुनासो आएको र नगरपालिका भित्र रहेका मुख्य सडकहरु स्विकृत मापदण्ड वमोजिम विस्तार गर्ने नगरपालिकाको योजना समेत रहेको हुँदा स्थानीय तहको सेवा सञ्चालन तथा व्यवस्थापन सम्बन्धी आदेश, २०७४, बस्ती विकास, सहरी योजना तथा भवन निर्माण सम्बन्धी आधारभूत निर्माण मापदण्ड, २०७२ (पहिलो संशोधन २०७३ समेत) र कीर्तिपुर नगरपालिकाको भवन तथा बाटो सम्बन्धी मापदण्ड, २०७२ समेतका आधारमा यस कार्यालयबाट नक्सा पास गरी भवन निर्माण ईजाजत पत्र लिई मात्र भवन लगायतका भौतिक पूर्वाधार निर्माण गर्न हुन सम्बन्धित सबैमा अनुरोध छ ।

मिति २०५३।१२।१४ मा तत्कालीन द गा.वि.स.हरु मिलाई गठित यस नगरपालिकामा हाल करीव २० हजार घरधुरीहरु रहेको र सो मध्ये ५० प्रतिशत भन्दा बढी घरहरु नगर पालिका गठन पूर्व निर्मित रहेको सन्दर्भमा २०७२।१।१२ मा गएको विनाशकारी भूकम्प पछि विद्यमान कानून एवं नेपाल सरकारबाट जारी भएका विभिन्न आदेश समेतका आधारमा घर जग्गाको वेचविखन र वित्तिय कारोवार लगायतका लागि भवन निर्माण सम्पन्न प्रमाण-पत्र अनिवार्य गरिसकेको सन्दर्भमा हाल सबै प्रकारका घरहरुको निर्माण सम्पन्न प्रमाण पत्र आवश्यक भई नगरवासीहरुले नगर कार्यपालिकाको कार्यालयमा आवेदन दिने क्रममा वृद्धि समेत हुन थालेकोले कानून, तोकिएको मापदण्ड एवं नगरपालिकाको आदेश अटेर गर्नेहरुलाई भवन निर्माण ईजाजत पत्र एवं निर्माण सम्पन्न प्रमाण पत्र जारी नगरिने साथै कानून वमोजिम कडा कारवाही गरिने व्यहोरा समेत यसै सूचना मार्फत जानकारी गराईन्छ ।

थप जानकारीका लागि:

वरिष्ठ ईन्जिनियर श्री वालकृष्ण महर्जन ९८५१०८३४३२

ई.वि.पि.एस.प्रमुख, श्री सुरज ओझा ९८५११३९६७७

कीर्तिपुर नगरपालिका, नगर कार्यपालिकाको कार्यालय, कीर्तिपुर, देवढोका

Email : ict.munkirtipur@gmail.com

Web site : www.kirtipurmun.gov.np



# ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

रामभोला महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

## सम्पादकिय

## पत्रकारतय्गु नेतृत्वय् नेवा: पत्रकारतय्गु कुत:

धौकन्हय् संचार जगतय् बय् बय् जुयाचवंगु दु पत्रकारतय्गु बारे । मेमेपिनिगु समचार च्वइपि पत्रकारतय्गु बारे हे अप्व: थ्व इलय् बय् बय् जुयाचवंगुया मू कारण धइगु देय्न्यंकया पत्रकारतय्गु मंका:गु संगठन नेपाल पत्रकार महासंघया नीन्याक्व:गु त:मुंज्या जूवनाचवंगुलि ख: । येंय् आइतवा: व सोमवा: निन्हुयंक जूवनाचवंगु पत्रकार महासंघया नेतृत्वया निति चुनाव नं जूवनाचवंगु दु ।

चुनावय् ल्वायेगु निति विशेष याना राजनीतिक पार्टीया लिक्क ला:गु पत्रकार तय्गु संगठनतपाखे प्यानल हे दयेका चुनाव ल्वानाचवंगु दु । छखे वय्क:पिन्स पत्रकारिता ख्यलय् राजनीतिक हस्तक्षेप अप्वयाचवन धायेगु अले मेखे व हे पार्टीया निर्देशन कथं हे चुनावय् दनेगु ज्या यानाचवंगु खने दु । थुगुसीया चुनावय् नं न्हापा लिपा थें हे राजनीतिक पार्टी नाप स्वापु दुगु संगठनया उम्मेदवारत हे त्याइगु अवस्था ख: । अले नेवा: पत्रकारतय्गु मिखां स्वल धा:सा नेवा: पत्रकार त नं पत्रकार महासंघया त:मुंज्याय् चुनावय् दनाचवंगु दु । अथे चुनावय् दनेगु निति अले नेवा: पत्रकारतय्गु नं थनेगु निति छगू कथं आधार जुयाचवंगु दु नेवा: पत्रकार राष्ट्रिय दबू ।

नेपा: पत्रकार राष्ट्रिय दबूया जिम्मेवार मनूत हे पत्रकार महासंघया नेतृत्वया निति चुनावय् दनाचवंगु दु । थ्व धइगु नेवा: पत्रकार राष्ट्रिय दबू दयेका वये धुका: नेवा:तय्गु नं छगू कथं मुल्यांकन याना थाय् बिइगु याना ह:गुया उदाहरण ख: । उकिं नेवा: पत्रकारतय्गु गुलि संगठन जुया वने फइ उलि उलि हे नेवा: पत्रकारतय्गु निति हरेक ख्यलय् अवसर वइगु अले न्ह्या: वनेगु नाप नेतृत्व यायेफइगु अवस्था दु धका: सकल नेवा: पत्रकारतय्गुसं थुइकेमा:गु अवस्था दु ।

## गजल शौरभ शाक्यया

गजल-४२



गजल ग्वया: लसय् हाला च्वना  
ख्यँथाय् न्यंक तुयू ज: मालाच्वना ।  
गन च्वं च्वना अन सुं सु हे मद्दु  
म्ह:मस्यूपित थ: नाला च्वना ।  
थ:गु बिस्कं म्हसिकाया ताखय्  
फय् मव:सां पंखा गाला च्वना ।  
वनागु पलां आँत त्व:मतुनि  
भिं मभिं स्वया: हासां गाला च्वना ।  
गन दिपा काई ख: थ्व जिन्दगीं  
ह्याउँम्ह सुर्दयो नुगलय् साला च्वना ।

## सापारुया इतिहास-२



### —रोशन श्रेष्ठ

वंगु वा:या ल्यंगु ...

सापारुकुन्हु चाहिइके हइगु सा यात खौ (सार्युमिपिन्स सालय् तू काकेधुका पिहाँ वइगु चोकर) नकेमा: धयागु चलन नं दु । खौ जक नकेत थाकु, छायां धा:सा साया: कुन्हु यक्व सा चा:हिइके हइगु जुया सकल सा यात भाग मगायेफु । अथे जुया साया: कुन्हु नकेत धका खौ व ख्वचां (सु यात तुका तुका जुइक चाना क: व चि नाप वाला: तइगु पशुयात नकिइगु मौलिक नेवा: नसा) ल्वाकछ्याना अथलय् तथा थाय् थासय् तयेगु चलन दु । थ्व ज्या सार्युमि पिं व ज्यापु पिनि मंका: ज्या नं ख: । थौकन्हय् मदया वनेधुंकु थ्व चलन, सापारु कुन्हु सा यात खौ ल्वाकछ्याना खोचां नकेगु चलन, थ्व चलन पाखें सिइ दु कि, सापारु वास्तवय् आधुनिक कालया “कृषि मेला”या प्राचिन रुप हे ख: ।

सापूमिया ‘कृषि मेला’ हे साया: ख: धका सिइकेत धिन्तांघिसिया ल्यूने सुलाचवंगु रहस्य पाखे ध्वासा विइ । धिन्तांघिसि द्रहनाप सम्बन्धित प्याखें ख: । ख्या: कथं ‘साया:’ जक छाय् ‘द्रहया:’ नं न्यायेकेमाल धाईपिन्सं शायद मस्यू जुइ । ‘द्रहया:’ सापारुया छगू अंश ख: । सा व द्रह यात ‘यात्रा’ व्वनायंकेंगु, ज्व: चिंकेंगु व, अले व हे लसताय् ल्हइगु प्याखें धिन्तांघिसि प्याखें ख: । धर्मयात नियमपालनया आधार दयेकेवं थ्व हे सांसारिक आवश्यकता यात ‘वृपोत्सर्ग’ नां बिल । वृपोत्सर्ग धाल कि वृषयात्रा (द्रहया:) व गौयात्रा (साया:) या मंका रुप जुइ, अले थ्व तस्कं पुण्य लाइगु कर्म धका धयातल । थ्व पुण्य लाइगु कर्मया लसताय प्याखें हलिइपिन्त पलापला:पतिकं अश्वमेघ यज्ञ यानागु पुण्य लाइ धका धयातल । धायेत थ्व पुण्यया खँ न्ह्याकथं धा:सा नं द्रह व सा यात देसय् चा:हिइकेगु, संसर्ग याकेगु, समृद्धिया लैपुइ वनेगु अले थ्व हे लसताय रहबर यायेगु नख: हे सापारु नख: ख: ।

धिन्तांघिसि त्वाक या तालय् सापारु

इतिहासं भीत स्यनात:थें प्रताप मल्लया उजं मुताविक छँज: सिइपिन्सं जक साया: वनीगु मखु । साया: वनेगु मेमेगु नं थी थी चलन त दु । छें दनेगु क्वचाल कि साया: वनेमा: । तुं दयेके क्वचाल कि साया: वनेमा: । ध्वाका दयेके क्वचाल कि साया: वनेमा: । देग: दनेगु क्वचाल कि साया: वनेमा: । तांपु दयेकेगु, लैपु दयेकेगु, थजा:गु मू मू निर्माण ज्याभव: क्वचाल कि साया: वनेमा: । थुकिंया ल्यूने छु अर्थ सुलाचवंगु दु?

सभ्यताया धरोहर दयेकेगु वा स्थापना यायेगु मू ज्या क्वचाल कि वा लोककल्याण जुइगु ज्याभव: क्वचाल कि यात्रा न्यायेकिइ, रहबरहरया ज्याभव: तइ । सापूमिपिन्सं थ:पिन्सं लहिनात:पिं ‘सा’ समृद्धिया बिम्ब व्वया: यात्रा न्यायेकिइगु व रहबरहर याइ । व हे ज्याभव: सापारु ख: धयागु जिगु दाबि दु ।

सापारुया ख्यालि

सापारुया ख्याल: व सापारुबलय् याइगु ध्याच्व नकेगु ज्याभव:त समाजय् त:धं ज्या यायेबलय् थ:थर्सपिनि दथुइ पिब्वइगु मिसअण्डर्सटाण्डिङ न्हंकेगु तातुना दु । अजा:गु ध्याच्व व ख्यालि यात मनू सिना जूगु दुख लंकेगु कुत: धयागु विश्लेषण नाप जिगु असहमति दु । छायां:धा:सा दुखं क:गु ईलय् समाजयात ध्याच्व नकाच्वनेगु बुद्धि बइमखु । दुखं क:गु इलय् मनूया दुर्गुण दक्वं ल्व:मंका सदगुण जक लुमंकेमा: धयागु नेवा: चलन दु । थ्व बिरोधाभाष स्वयेबलय् सापारुया ध्याच्व: व प्रतापमल्लया दुखया बाखँ ज्व:मला: । दुख व बिछोडया इलय् ख्यालि न्यायेके मस:पिं नेवा:तसैं सापारुया ख्यालि व ध्याच्व दुखं क:म्ह लानियात लयेतायेकेत न्यायेकुगु ख:धायेगु खँ विश्वास यायेबह मजू । व दाबि फय्गौं दाबि जक ख: ।

सापारुया ख्यालि

सापारुया रहबरहर व यात्रा र जात्रा न्यायेकिइगु पह थी थी थासय् पा: । नर : देसय् खड्ग जात्रा न्यायेकिइ । थिदेसय् सुतिभैल: ल्हुइकिइ । ख्वपय् धिन्तांघिसि पिकाइ । यलय् मतया:, न्यकूजात्रा न्यायेकिइ । हरेक नेवा:बस्तिइ त:धं चीधं थी थी जात्रात दक्वं स्वत धा:सा सलं स: थीथी जात्रा दु । ख्याली पिहाँ वइगु,

प्याखें क्यनीगु ज्याभव:त नं दक्वं धल: दयेकल धा:सा दलं द्र: ज्याभव:त सापारु नख:बलय् न्यायेकिइगु दु । थाय् थासय् गनं स्वन्ह, गनं प्यन्ह, गनं गनं न्हयन्ह तक जात्रा दु । अले अजा:गु दक्वं जात्राय् रहबरहरया थी थी बिम्ब त छयलात:गु दु । थ्व दक्व धैथें जात्राय् छयलीगु बाखँ, धार्मिक आस्था, चलनत, नितिकृति, पाहाँ व्वनेगु चलन, गुथि निसैं दक्वदक्व खँ दुवाला स्वयेबलय् नं अन राजकुमार सित, लानि दुखि जुल, जुजुं उजं बिल धयागु संकेत खने मद्दु । उलिमछि जात्रापात्रा, प्याखें, रहबरहर दक्व यदि प्रतापमल्लया उजं लिपा जक न्ह्यानाव:गु जूसा प्रतापमल्लया उजंया छुं छुं हे अस्तित्व मदयेका व चलन दक्वं स्वनातल जुइ ला ? पत्या याये बह जू ला प्रतापमल्लया पालंनिसैं सापारु न्ह्यात धयागु बाखँ ? जि ला छफुति नं पत्या: मजू ।

सापारुया रमभम

अथे जूसा प्रताप मल्लया बहुचर्चित बाखँया अर्थ छु ख: ले ? छु धका: भीसं थुइकेगु ? थ्व दक्वं मन्थन व विश्लेषण स्वयेबलय् छु सिइ दु धा:सा न्हापा साया: कथं न्यायेकुगु सापारु यात प्रताप मल्लया पालं निसैं छँज:पिं सित धका: बुखँ च्वयेकेगु ज्याभव: छता तनेह:गु जुइफु । साया:या मेमेगु ज्याभव:नापनापं प्रताप मल्लया तिरि मय्जु हेयकेगु ज्याभव: तना अबलय् या राज्यपाखे तिब: बिया प्रचार यानाब्यूगु जुइफु । साया:या भवलय् जुइगु ख्यालि व ध्याच्व स्वया लानिया नुग:धा: याकनं लनी धका जुजुं विचा: या:गु जुइफु । तर लानीयात हेयकेगु तातुना तथा हे जक सापारु न्यायेकुगु धका विश्वास यायेगु थाय् छफुति नं मद्दु । बरु राज्यया साथ समर्थन दयेधुंका थ्व सापारु ज्याभव: भनभन भन:धायेक न्यायेकेगु चलन न्यनावना नख:या रुप काल जुइफु ।

अथे जुया सापारुया वास्तविक इतिहास सापूमि नेवा:त नाप स्वानाचवंगु दु । ‘सा’लहिना विकास यानात:गु नेवा:सभ्यता नाप स्वाना चवंगु दु । प्रतापमल्लया बाखँ सापारुया वास्तविक इतिहास मखु । सापारुया वास्तविक इतिहास थुइकेत ‘शिलालेख’ इतिहासकारपिन्सं कुत: यानामचवंगु जुया आ: भीसं वयक:पिन्त थथे न्ह्यस: थना: सुतुसुये । सापारुया वास्तविकता थुइका थ्व नख: या मज्जा सवा: काये ।

### व्वनाभिया स:

### किपूया नगरपालिकाया जनप्रतिनिधिपिनि सम्पति विवरण पायछि जूला ?

हनेबह:म्ह सम्पादकजु,

किपूया लोकंद्वा:गु नेपालभाषाया वा:पौ ज्वजलपा वा:पौया वंगु ल्याखय् किपू नगरपालिकाया जनप्रतिनिधिपिं गुलि धनी धइगु शिर्षक तया: समाचार पिदन । च्वनिसैं क्वय्थ्यंक छसिंकथं व्वना स्वया । थ्व समाचारया श्रोत छु ख: धइगु पत्रिकाया न्हापा हे किपू नगरपालिकाया वेवसाइट धयात:गु दु ।

थ्व विवरण स्वयाबलय् थुकी छम्हसैं हे छँया विवरण बिया त:गु मद्दु । छु सकलें हे थ:गु छँ मच्वंसं डेराय च्वनाचर्चापिं ख:ला ? सार्वजनिक पदय् च्वनीपिं मनूतसैं सम्पति विवरण बिइबलय् गुलि क्षेत्रफलय् गुलि तल्लया छँ ध्या:तइ । अथेहे श्रीमतीया नामय् गुलि सम्पति दु व नं विवरण बिइमा:गु ख: । थन सुनां हे अज:गु विवरण बिया: त:गु मद्दु । अले सम्पतिया श्रोत निम्हसैं जक धयात:गु दु । मेपिन्सं बियात:गु मद्दु । थन बिया त:गु विवरण कथं दुपिन्सं सुचुकू थें च्वं । मदुम्हसैं यक्व हे विवरण ब्यूगु नं खनेदु । थुज्व:गु विवरणया औचित्य छु । सत्यतथ्य जनताया सामु हयमा ।

छम्ह सचत किपूमी





**HOOR**  
MOTORS  
PVT.LTD.



# आवर मोटर्सको GRAND EXCHANGE अफर

‘...ल्याउनुहोस् तपाईंको पुराना बाइक

हामी दिनेछौं उचित मूल्य

लग्नुहोस् नयाँ TVS का बाइक’

हरेक बाइकको खरिदमा

‘Sure Shot Gift’



स्थान : बालाजु चोक NIC Bank सँगै

मिति : २०७४ भाद्र ४ गते देखि ९ गतेसम्म

स्थान : ट्याङ्ग्लाफाँट जाने बाटो मंगल स्कुल पछाडी

मिति : २०७४ साउन २५ देखि भाद्र २ गतेसम्म

## Hour Motors Pvt. Ltd.

Balaju Chowk Phone: 01-4360401 , 9851210478

Kirtipur-10 Phone : 01-4333605 , 9851139402

# सापारु खुन्हु बजि नकः वःगु ख्यालः



**च्वमि : बज्जमुनि बज्जाचार्य**

ख्यालः

अबु : राजमान महर्जन

मां : अमिर श्रेष्ठ

काय् : महेश कुमार श्रेष्ठ

म्ह्याय् : नारायण महर्जन

दुरु त्वंक वःपिं

म्ह्याय् १: नन्दमान महर्जन ( र्वंगः)

म्ह्याय् २ : वावुकाजी महर्जन

मेया धुनय् अबुम्ह व मांम्ह वुँइ

वनेत पिहाँ वइ ) ख्यालः शुरु जुइ

साउण्ड सिष्टम : तेजमान वज्जाचार्य

अबु- (खःमु ज्वनाः दुहाँ वइ)- स्व मिसा

ज्या यनाः नय्न् तसकं थाकुल ।

काय्,म्ह्याय्पिं थःपिन्सं धाःथे दुगु

मखु । भीपिं हे बुरा बुरी निम्हेसिनं

ज्या याय्माः ।

मां-काय् म्ह्याय्पिन्त न्ह्यय् छु का तःम्ह

छ हे ला खःनि ? वइ ज्वरे या जिं हे

याय्माः, वइ ब्यू हूँ जिं हे याय्माः । छुं

धाये ज्यूपिं मखु ।

अबु-जि नं खयलया वुँ छकू मिया

व्छयला धै थें जुइ धुंकल

मां-मियां छु याये दतले फतले व हे

छकू वुँ दनि । मेगु दक्व विश्वविद्यालय

नं काये हे धुंकल ।

अबु- जित ला त्यानुसे नं च्वन । का वा

छकः फय् निं तु

मां-फय् तुना छु याये, वुँइ ज्यामित

हालाच्वनी । दुपिं ज्यामित नं कू ज्वनाः

बिस्वुं वना च्वनी हानं

अबु-जू जू जुइका थपाय्च्व दुःखसिया

नं छु ज्या याय्गु । का जि ला फय्तुल

(तपुली त्वया चःति हुइ) का छ नं

फय्तु ।

मां-(दाला दिकाः) सिनाज्याया इलय् हे

गनं गन का थ्व मस्त, छुं छकूचा ज्या

वाय्त दुपिं मखु । म्हिगः भी वाउचा

कुसुत्यांका मोटर साइकल न्याना मविइकं

वुँइ वये मखु धकाः सुथनिसं तमं पिहाँ

वने धुंकल, भी म्ह्याय् नारांमैचा नं

पासापिन्थाय् भवय् वनेगु धकाः वने

धुंकल ।

अबु-काय् म्ह्याय्यात छुं वास्ता दुगु

मखु । थ्व दक्व दुःख सिया च्वनागु

इमिगु लागि हे खः । यय थे या । सुकु

त्यां चिगु ताल नं बांमला, वया पासापिं

हे स्व ले स्वय्बले हे खुं थें च्वं,

मां-वं ला गजिगिजि नं त्वं थें च्वं,

बहनी जुल कि त्वनाः नं वइगु, मचात

तःधि जुया वलकि मां अबुया पीर ।

अबु-ई हे बांमलानां वःगु नं छु याये ।

ल्यासे ल्याय्म्हतयत ला नखः चख वःगु

गुलि ज्यू गुलि ज्यू । मां अबुयात जात्रा

स्वःवनेगु धाला वाचा वाचा तक क्वाः

चवय् च्वनाः प्यपुना च्वनीगु । जमाना

हे बांमला छु याये । का नु नु नु नये

पित्याका च्वन जुइ ।

मां-ज्यामि मगाः छम्ह निमह मेपिं दःसा

व्वना हिं धाःगु मखुला

अबु- खः, धयां छु याये, सु व्वना

यंकेगु । किपुली ला छम्ह हे वुं ज्या

याइपिं मदये धुंकल । दक्व हे वुं मिया

मोटर साइकल गइपिं, छै दनाः बालं

तइपिं ।

मां-फल्चाय् च्वनाः तास म्हितेगु बाहेक

छुं हे ज्या यानाः नःगु मखय् धुंकल,

अले बालं मनसे छु याइले

अबु-बालं तयाः नयेगु ला ज्यू,

बालंच्विपिन्सं म्ह्याय्पिं हे ब्वय्का यंकूलं

मजिल का । नेतानिसं सय्तय्सं तक

हे म्ह्याय्पिं ताके याइगु ।

मां-खँ ल्हानाः सादे मजुइ धुंकल, का

नु लिबात ।

काय्म्ह धे धे चुइकाः वःगु तापाकं

निसं खनीं

अबु-अय् बुरी हूँ वःम्ह छिमि काय्

सुकुत्यांका मखु ला ?

मां-गथे छिमि काय् मखु ला धैगु, भी

काय् मखु ला धा ले

अबु- हाकनं खःला मखुला का, प्वाक्क

धाय् लाइ, गल्ली जुयाच्वनी

मां-(काय्म्ह दुहाँ वइ) का स्व थ्वैगु

ताल, न्हिनेनिसं हे धिच्चे याना वल

का । छुं पिर दुगु मखु । व हे विर

मिमिं मां अबुयात जोते याःगु दु दु ।

काय् छु याये माल ले आः ।

मां-छु याये माल, वुँइ वने माल का ।

काय्-म्हाँ म्हाँ मां जि वुँइ वइ मखु ।

छिमि म्ह्याय् नारां मैचित व्वना यंकी

।

अबु-वं वैत व्वना यंकी वं वैत व्वना

यकि छ वयेगु कि वय्मखु ।

काय्म्ह- यःमां बा यात छकः धाःसा

जि वै मखु धकाः ।

मां- छुं हे धाले छिमि बौयात ।

काय्-स्व बा जित ब्याः यानाः मविइकं

जि वये मखु ।

अबु-ब्याः याय्गु धैगु कतांमरी म्हितेगु

ला, धाये सात यायेत, हाकनं छ थें

जाःम्ह थ्वं कुलु नाप सु वइ मिस्त ।

काय्-थ्व बायागु जमाना मखु, मिस्तय्सं

ययेकी हे जि थें जाःम्हेसित, सिटी

जक पुयाः ब्याः यानाः हय् ला जिं बा

नं हिं जक धा ले ?

मां-न्यागः धेबा कमे यायेम्वाः मां अबुया

छयनय् मुस्या सिया नइम्ह सुकुत्यांका

फुँइ स्व ले ?

काय्-थौकन्हय् मिसात पत्ते यायेत

पल्सर मोटर साइकल छगः माः ।

ल्यूने च्वनाः घय्पुइ जिइक सिट

थकाय्माः मेगु छुं हे म्वाः ।

अबु-अय्सा ला छुं हे स्वयाः हःसा गा

हे गाः नि, जिमित छाय् पिरे यानाः

च्वनागु ले ?

काय्-पल्सर नं दय्माल नि ?

अबु-भव्खाय् ब्वया दुनां वंगु छै दने

मफुनि पल्सर माःगु ला छन्त ?

काय्-खः बा जि पालय् च्वनेत नं तयार

, अलसर जुइकेत नं तयार तर पल्सर

ला माः हे माः । का न्याना बिइगु कि

मविइगु जि ला थन हे अनसन च्वने

त्यल । (फय्तुना च्वनी)

मां-गोविन्द के.सि. च्याकः च्याकः

अनसन च्वनं ला माग पू मवं छ छकः

च्वनाः पूवनी ला, (ल्हाः ज्वनाः) म्वाल

वुँइ छकः निं वने नु, जिं बहनी

खँल्हाये ।

काय्-म्हाँ म्हाँ जि दने हे मखु, छक

जक मखु आमरण हे च्वनेगु ।

अबु-का का वयात अनसन हे तयेकी ।

गजाः गजाःपिं मनूत ला जुस छकः

त्वंकबलय् दनाः व, थ्व सुकुत्यांका छु

खँ (हालाः च्वनी, नारां मै मोबाइलया

न्हाय्कं स्वयाः दुहाँ वइ ।)

म्ह्याय्-यःमां, छाय् लँय् चनाच्वंगु दाइचा

अबु( छाय् छाय् का छिमि हे दाजु

सुकुत्यांका यके न्यं ले ?

म्ह्याय्-(न्ह्योने वनाः म्ह गिरी गिरी

याना) दाइ, छाय् लँय् चनां च्वनागु, थ्वं

अप्वः जुल ला, स्व गपाय् च्व नवःगु ।

मां-थ्वं त्वनाः वःगु ला च्व त्वना वःगु

ला । मनूतय् लः त्वनेगु मदु । त्यानावःपिं

जनप्रतिनिधित स्व । लः छकः हे त्वंके

फुपिं मखु । फोहर छकः हे ज्यंके फुपिं

मखु ।

म्ह्याय्-का छु हालाः च्वनागु, छु यायेत

माल लः, किपली ला लःसिबे थ्वं हे दं ।

ससलय् वनेगु ला, माःक्वाचाय् वनेगु

ला, लहनाय् वनेगु ला, चीथुलिइ वनेगु

ला, धै धैगु नम्बर नम्बरया दु ।

काय्-(जुरुक्क दनाः) छु जुया मसी ले

वं, मिजंत नाप प्यपुनाः फरकचा कुतुं

वंगु मचाय्क, मिजंतय्सं पुतुचिना

बिइमाय्क थ्वं त्वनाः जुइम्ह व हे ला

खःनि ।

मां-यःमां छु धाःगु थ्वं

म्ह्याय्-अजःम्ह थ्वं कुलुं धाःगु नं पत्या

यायेगु ला । अबले जिं फरकचां सिनाः

वनागु हे मखु ।

अबु-ए, अय्सां वनागु खः का मखुला

म्ह्याय्-मखु बा धरोधर्म वनागु मखु,

पासापिन्सं व्वना यंकूगु

मां-अय्सा छ भत्ती वनाः थ्वं नं त्वना

का मखु ला ?

म्ह्याय्-थ्व हे सुकुत्यां नं यानाः ला

खःनि । वया पासा हान्सम गाँठ वाला

लभ याःसां ज्यू । वयाके ठगे यानाः

जित नं भच्चा भच्चा ब्यू धाःगुलिं, थ्व

हे सुकुतं नं यानाः वनागु ला खःनि ।

काय्-अप्वः जिं यानाः धयाच्वने मते छं

न्हापा Love यानाः तःम्हसिबे व हे

ज्यू जकं धया का जिं, ज्यू धाय्सात हे

Love हे याइ धकाः छु स्यू जिं ।

म्ह्याय्-थःजक गति लाःम्ह थें, ववं थाय्

मिसातय्सं दायेका जुइम्ह उखुन्हु मिसां

लाकां त्वयाः दाया हःगु मखुला छन्त ?

काय्-गन, गबले

म्ह्याय्-उखुन्हु का, चिलंच्वय् बहनी,

ल्वःमन ला थपाय् द्वं ल्हवया

वःबलेका ।

मां-का का म्वाल कुलंगारत

अबु-खुब वः लात छिपिं । वुँया ज्या

छगू निं सिधये कि छिमित यायेगु स्यू

का ।

काय्-छु यायेगु बा ?

अबु-जिं स्यू का

म्ह्याय्-धाले बा छु याय्गु

अबु-जिं स्यू का, जिं स्यू

मां-मखु छुयायेगु धा ले ?

अबु-छु धायेगु आः, थ्व कुलंगारतय्त

ला छु याइ । जि हे भुण्डे जुयाः सिना

वनेगु का ।

मां-यःमां छु धयागु व छ सित कि जि

विधवा मजुइ ला ?

अबु-जुइमखु छ छप्ती हे विधवा

जुइमखु । जिं बिचाः याये धुन

मां-छु बिचाः यानाः

अबु-जि सित कि छं उखेच्वंम्ह ब्रम्हुचा

नाप ब्याहा या

मां-अजम्ह नाप व ला छं तसकं हे

मिले मजुम्ह शत्रु मखु ला ?

अबु-उकिं ला, जिं वैत वदला काय्

मफुत, छं जूसा तं वैबलय् जितः थें सँ

पुयाः धिनीमिनी याइ । अले जिगु आत्मा

शान्त जुइ ।

म्ह्याय्-ममी जित फोन वल, जि वने

न्हिं

मां-गन वनेगु, वुँइ वने माःबले ?

म्ह्याय्-ममी व इयाडी हूँ ले, जि भवय्

वने मानी ।

अबु-म्वाः म्वाः वनेम्वाः छु भवय् ?

म्ह्याय्-जिमि पासाया Love

एनिभर्सरी का छु इयाड

अबु-छु व Love animal धाःगु

म्ह्याय्-जिमि पासाया Love जूगु निर्दं

क्यंगु भवय् धया

अबु-ए ! सीबले निर्दं दय्का याइगु

निर्दं तिथी थें जाःगु भवय् जुइका

मखुला ?

म्ह्याय्-इयाड नं छुं हे मस्यू का का



## साहित्य उपन्यास जन्ति न्ह्यात

**च्वमि— मदन गोपाल प्रधान “क्वा:घासा”**

कथहं .....

हस्पितलया लँ ज्वना: वस वन । नवनित श्रीया क्याम्पस पाखे वन । क्याम्पस थ्यंका: व तर्प्यंक शिक्षक तय्गु मंका कोथाय् वन । न्ह्यनेसं च्वंम्हेसित स्वया: धाल, “श्री सरयात छक: नापलाये मा:गु ।”

“घण्टी थाइन । भचा जायेका: क्लासं पिहाँ भाइ ।” व मनुखं थ:गु नाडी घडी स्वया: धाल ।

नवनित मंका: कोथां पिहाँ वया: वरन्दाय् दना: श्रीया लँ स्वया च्वन । भचा जायेका घण्टी थात । क्लासं मनूत पिहाँ वल । तर वं श्री मखं । वं थ:गु मिखा उखें थुखें छचाखेरं व्वयेकल । अय्सां खंके मफु । गुगुं कोथां नं श्री पिहाँ व:गु वं मखं । मन मच्चना: मंका: कोथाय् वन । व हे मनूयाके न्यन, “माफ याना दिसँ । श्री सर क्याम्पसं लिहाँला मभा:नि ?”

वय्क:या क्लास दनि । लिहाँ भा:गु खै मखुनि ।” न्ह्यने च्वंगु रूटिन स्वया: व मनू नं धा:गु दिइ मला:नि श्री कोथाय् खने दयेक: वल ।

“नवनित, छाय् थौं थन ?”

नवनितं छुं मधा: । निम्हं पिने वरन्दाय् वन ।

“काकि हस्पिटलय् । श्रीदाइ याकनं भाये माल ।

“हस्पिटलय् ? छाय् ?” इत:मित: कना: श्रीं धाल ।

“हितिइ दया: तुति त्व:धुका दिल ।”

“गबलय् ?”

“अथे हे घौछिति न्ह्य: । मन्तदाइयागु वसय् च्वना वयागु । वस हस्पिटलय् छ्वया: जि श्रीदाइयात सुचं ब्यू वयागु । याकनं भाये माल ।”

“गन हस्पिटलय् ?”

“गंगालाल हस्पिटलय् ।”

थ्व खँ न्यना: श्री मंका: कोथाय् वन । चक, डस्टर अले हाजिर कापी थासय् तया: सहायक प्रिन्सिपलयात धाल, “सर, जि थौं भचा न्हापां वने माल ।”

“छाय् सर ?”

“मां हस्पिटलय् है ।”

“हस्पिटलय् ? छाय् छु जुल ?”

“दया: तुति त्वधु है ।”

“अहो ! अपसोच ! भासँ सर, भासँ ।”

“धन्यवाद सर !”

सहायक प्रिन्सिपलयाके न्यना: श्री वन । क्याम्पसं पिहाँ वनेवं द्याक्सि ध्वदुल । द्याक्सि डाइभरयात गंगालाल हस्पिटलय् वनेगु धका: निम्हं द्याक्सि च्वन । उघ्रिमय् द्याक्सि न्ह्यात ।

“कुईईई” धायेक ब्रेक ज्वंगु स: ताये दयेवं द्याक्सि दित ।

धेवा बिया: निम्हं इमर्जेन्सिइ दु ब्वात । काउन्टरया न्ह्यनेसं सन्तवीर दना च्वंगु खन । तर मनमाया अन मदु । मांम्ह मखँगुलिं श्री न्यन, “मां ग्वलय्, सन्तबी कका ?”

“एक्सरे कोथाय् यंकल ।”

“डाक्टरं छु धाल ?”

“तुति त्वधूगु हे ख: है ।”

“सन्तबी कका याक:चाला ? मेपिं वने धुंकल ला ?” नवनितं न्यन ।

“मखु, मवं नि ग्वाहालि मालिइ धका: इपिं निम्हं तता:जु नापन्तुं एक्सरे कोथाय् दु ।”

“अले मान्दाइ ग्व ले ?” श्री न्यन ।

गन मस्यू वने मानि धका: नकृतिनि हे जक वन ।”

“जि छक: एक्सरे कोथाय् स्वया वय् ।” धका:श्री फ:जक ह्यूगु एक्सरे कोथां मनमाया दुगु टूलि पित ह:गु खन । भचा तपला: याना: श्री न्ह्यने ब्वात । मनमाया मिखा व श्रीया मिखा चुलात । स्या: ख्वालं वाक्कुछिना मनमायां मिखा छक: तिसित ।

“तसकं स्यात ला, मां ?”

मिखा पुलुकक कना: ख्वा: स्यंका: मनमायां छयं क्वात । टूलि एमर्जेनिस कोथाय् यंकल । इपिं नं ल्यू ल्यू वन । टूलि यंका: छथाय् कुनय् दिकल । स्या: धका: मनमाया हालाच्वन । मांम्हेसियागु स्या: ख्वा: सवयेमफया: अन कोथाय् च्वंम्ह सिष्टरयात श्री धाल, “मस्याइगु इन्जेक्शन विइ मज्यूला, सिष्टर ?”

“पलख आसे । डक्टरयाके न्यने अले विइ मा:सा विइ ।” सिष्टरं धाल ।

“ज्यूसा छक: आ: थयें हे न्यना दिसँ, प्लिज ।”

## ध्रुव सत्य

थःगु किचलं हे त्वता वन	
स्वयाके वनां ग्वाहालि फ्वने	
थः धाईपिं सुं हे मन्त	
स्वयाके आसय म्वाना च्वने	द्यःचपा, पाँगा
काल नं काचाक्क वःगु मखु	
जीवन जित भार जुल	
म्हुतु छप्पाः जक न्यानि थ्व	
जि ला जिउँदो लाश जुल	

न्ह्यावले भाग्यया दोष क्यना

ग्वन्हु तक ख्वया च्वने

वर्षा खुसिवाः वः थें मिखां

गुलि ख्वबि वयेका च्वने ।

सलं वाःगु नुगः घानां
धे धे चुलां गन वने
नुगःया थ्व चोत जिगु
स्वैत वना क्यो वने ।

लन्डन वनेगु धकाः हे का

कायनं संपति कया यन

जिगु जन्म काःछिया कमाई

दलालतय्त नकाः फुका वन ।

थौं जित याकःचा त्वःता

थःपिं लन्डने च्वं वन

जित सहारा विइगु आशा

म्हगसे जक क्यना वन ।

दुःखसिया दयेका तयागु छें

सिंके मोलं मियाः वन

कुल छें च्वने मदय्क पितना

जिगु मन ख्वय्का वन ।

तुयु साहु धकाः नांजाःम्ह जि
काँथय् यना वाय यन
थौं अन्तिम अवस्थाय वया
सिईला म्वाय्ला याना वन

म्हस्यूपिं सुं मदुथाय्

गुँक्वय् छें दयेका तयाः वन

दाजु किजा नापलाय् मदय्क

मुगलान यना त्वःता वन

हावा पानी बांलाःथाय् धकाः

हेका हेका ब्वना यन

न्हिनय् हे धौं हाः वईथाय्

जवरजस्तिं वानाः वन

पासा भाईपिं नाप फायाः

जेलय् कुने थें कुना वन

न्हिच्छि न्हिच्छि गनंवने मखंक

लक्ष्मण रेखा किया वन ।

न्ह्यावले जितः म्हाईपुक
लू लू ख्वय्का वन
बहनि जुलकि नुगः मछिना
भसुका तये मायकाः वन ।

जित त्वःताः कार्यपिं वना

लन्डनया लंच डिनर नःवन

गोरचा नकाः नेवाःभाय् स्यना तयाम्ह

अंग्रेजी भाय् ल्हाः वन ।

मां बौया माया मस्तय्के धाईगु

ध्रुव सत्य हे जुयाच्वन

मस्तय्गु माया त्वहं याके धाइगु

धाथें हे खःगु थें च्वन ।

काय् म्स्याय् धैपिं तःधिकः मजूतले

मां बौया थःपुताः जुयाच्वन

तःधिकः जू लिसे काय म्स्याय्पिन्सं

मां बौ कतः याना त्वता वन ।

## सिद्धार्थनगर भैरहवाय् नेपाल प्रचलित लिपि स्यने ज्या न्ह्यात



देसय् राजनीतिक ह्युपा:या नाप नाप नेवा:तय्के थ:गु भाषा संस्कृतिया बारे सय्के सिइकेगु खंय् सचेत जुया वयाच्वंगु दु । थ्वहे भवलय् भैरहवाया सिद्धार्थनगर नगरपालिकाय् च्वपि नेवा:तसें नं थ:गु मौलिक लिपि नेपाल प्रचलित लिपि सय्केगु कुत: यानाच्वंगु दु । उगु कुत: ता:लाकेत किपूया काय्मचा डा.कविन्द्र बज्राचार्य तिव: बिया: च्वंगु दु ।

भैरहवाया सिद्धार्थनगरय् नेवा: खल: सिद्धार्थनगरया ग्वसालय् नेपाल प्रचलित लिपि स्यनेगु ज्या न्ह्यानाच्वंगु दु । संयोज कृष्ण कुमार श्रेष्ठया कुतलय् खल:या नायो सुवर्ण मुनि शाक्यया ह:पा: नं उगु प्रशिक्षण

ज्याभव: न्ह्या:गु ख: । किपूया काय्मचा डा. कविन्द्र बज्राचार्य प्रशिक्षक जुयादीगु उगु प्रशिक्षणय् २१ म्हसें ब्वति कया:च्वंगु खं प्रशिक्षक कविन्द्र बज्राचार्य नं कनादीगु ख: । प्रशिक्षण थ्वहे भाद्र १ गतेनिसं १५ गते तक न्ह्याइगु जूगु दु । भैरहवाया पुष्प कीर्ति बुद्ध विहार, भैरहवाय् लिपि स्यनेकने जुयाच्वंगु दु । डा.कविन्द्र बज्राचार्य २०६८ सालनिसं नेत्र विशेषज्ञ जुया: राना अम्बिका आँखा अस्पताल भैरहवाय् ज्या यानाच्वनादीगु दु । लुम्बिन आँखा इन्स्टिच्युतय् सह प्राध्यापक जुया ज्या यानाच्वंगु दु । बहुपतिभाषाली डा.कविन्द्र बज्राचार्य दच्छि

न्त्य: भैरहवाय् धा: बाजा नं स्यनां दीधुकूगु दु । गुगु अन नेवा:या पहिचानया रुपय् इलय् ब्यलय् थाय्गु याना वयाच्वंगु दु । वय्कल एमबीबीएस, नाप एम डी.Ophthalmology, FPDS याना दीगु दु । वय्कल अजतकया दुने १३ भिस्वद्व:मह मनुतय्गु मिखाया अपरेशन सफलता पूर्वक यानादी धुकल । वय्कल डाक्टरया नाप ध्यान प्रशिक्षक व धर्मदेशना याइमह कुशल वक्ता नं ख: । वय्कल अनं न्यादं न्हय:निसं हरेक शनिवार ध्यान तया: धर्मदेशना नं बिया: वयाच्वनादीगु दु । वय्कल बुटवल, पाल्पानिसं नेपालगन्ज थ्यंक वनां नं धर्मदेशना यानादी ।

## JCI Kirtipur नं राहत सामाग्री मुंकल

वंगु श्रावण २७ गते शुक्रवा:निसं आइतवा:तक व:गु वां नेपा:या तरई लागाय् यक्व हे क्षति यात । द्रलद्व खा: छेँ स्यका:विल । सच्छिम्हं मयाक मनुत सित । लाखौं मनुतय्क विचल्ली याना विल । थुज:गु दु:खया इलय् नेपा:देय्भरिया मनुतसें थ:म्हं फुथे चा:थे बाढीपिडितपिन्त ग्वाहालि यायेगु ज्या यात ।

किपुली सक्रिय जुया थीथी सामाजिक ज्या याना वयाच्वंगु सामाजिक संस्था जेसीआई कीर्तिपुर नं वंगु साउन ३१ गते बाढी पिडित पिनिगु ग्वाहालिया निंति किपू, पाँगा व नगांमय् फुफुकथं ग्वाहालि यायेत इनाप याना ग्वाहालि फ्वंगु ख: ।

जेसीआई किपूया महासचिव नरेन्द्र महर्जनया संयोजकत्वय् ग्वाहालि म्हय्गु ज्या जूगु ख: । गुगु ग्वाहालि धेवा ३२,६२३ तका, विस्कट, वाईवाई चाउचाउ, स्यानीटरी प्याद, वस:, निको ट्याबलेट सामान मुंकेगु ज्या जुल । वयां कन्हय् खुन्हु हे उगु सामानत पिडितपिन्थाय् छवये धुनागु खं महासचिव नरेन्द्र महर्जन कनादिल ।



## किपूया निर्माण व्यवसायीपिन्सं कविन्द्र व रुकेशयात हन

वंगु साउन २७ गतेनिसं २९ गते तक काठमाडौंलय् जूगु काठमाडौं उपत्यका निर्माण व्यवसायी संघया भिन्त्याव:गु (१५ औं) साधारणसभा व च्यावव:गु (८औं) अधिवेशनय् कविन्द्र निर्माण सेवाया प्रोप्राइटर कविन्द्र महर्जन प्रथम उपाध्यक्ष पदय् अथेहे आर.एम.के. निर्माण सेवाया प्रोप्राइटर रुकेश महर्जन कार्य समितिया सदस्य निर्वाचित जुयादीगु ख: ।

वय्कल:पिं निम्हं नेपाल निर्माण व्यवसायी संघ कीर्तिपुर नगर कमिटीया सदस्यपिं ख: । थ: सदस्यपिं त्यानाव:गु लसताय् नेपाल निर्माण व्यवसायी संघ कीर्तिपुर नगर समितिं म्हिग: भाद्र ३ गते शनिवार सुथय् छगू ज्याभव: याना वय्कल:पिन्त हंगु दु ।

व्यवसायी संघया नायो समन महर्जन वय्कल:पिन्त नेवा: परम्पराकथं ह्याउँगु ताय्सिन्ह तिका: छ्येसगं बिया: हंगु ख: । सम्मानीत जुयादीमह प्रथम उपाध्यक्ष कविन्द्र महर्जन नुग: खं तय्गु भवलय् थ:गु विजय सकल किपूया निर्माण व्यवसायी पासापिनिगु विजय ख: । किपूया निर्माण व्यवसायीत छप्पं छथी जुया: ज्या यानाच्वनागुलिं हे थ: विजय जूगु खं कनादिसे थ:म्हं न्ह्यावले निर्माण व्यवसायीपिनिगु हक हितया निंति स: तया:वनेगु वचं बियादिल । थ:गु थ्वहे ज्याया कदर याना निर्माण व्यवसायी पासापिन्सं थ्व नाप स्वक:तक थ:त केन्द्रिय समितिया थीथी पदय् त्याके धुकुगु नं कनादिल । मेम्ह सम्मानीत व्यक्तित्व रुकेश महर्जनन निर्माण व्यवसायीपिनिगु हक हितया निंति थ: न्ह्यावले न्हयचिलेगु खं कनादिल ।



## सटर भाडामा चाहियो

## DARSHAN MOBI CARE BRANDED MOBILE SHOWROOM

विस्तार गर्न निम्न स्थानहरू :

पाँगा दोबाटो चोक

नगाँउ दोबाटो चोक

लोकतान्त्रिक चोक

भत्केपाटी चोक

पाँगा चोक

मच्छेगाँउ चोक

मा ५०० (sq. ft.) भन्दा माथिका सटरहरू भाडामा चाहिएको हुँदा  
इच्छुक घर धनीहरूले १५ दिन भित्र सम्पर्क राख्नुहोला ।

**DARSHAN MOBI CARE PVT. L.T.D.**  
Kirtipur-9, Kathmandu Contact : 9851139408



## नेवा एफ.एम.या भिदं ज्याभवः



ज्वजलपा वा:पौ /

नेपालभाषा एकेदमी पाखें न्ह्याका वयाच्वंगु मुक्कं नेवा:भासं न्ह्याका वयाच्वंगु नेवा: एफ एम १०६.६ संचालन जूगु भिदं दत । भिदं क्यंगु लसताय् वंगु भाद्र १ गते छगू ज्याभवः जुल । २०७२ सालया तःभुखानं स्यंका: ब्यूगुलिं बांलाक चलय् याये मफयाच्वंगु नेवा: एफ एम आ: अनक मिडिया प्रा.लि.पाखें संचालन जुइत्यंगु खः ।

अनक मिडिया प्रा.लि.या नायः नविन महर्जनया नायोसुइ जूगु उगु ज्याभवःया मू पाहाँ युवा तथा खेलकुद मन्त्री राजेन्द्र कुमार के.सी. त्वाबालय् मत च्याका: उलेज्या यानादीगु खः । उगु ज्याभवलय् सताब्दी पुरुष नापं नेपालभाषा एकेदेमिया संरक्षक डा. सत्यमोहन जोशी विशेष पाहां कथं भाया दीगु खः सा पाहाँकथं पुलांम्ह राज्यमन्त्री तीर्थराम डंगोल, नेपालभाषा एकेदेमिया भाइस चान्सलर यज्ञरत्न धाखा, सदस्य सचिव नापं नेवा: न्ह्यलुवा: मल्ल के सुन्दर, किपू नगरपालिकाया उपमेयर सरस्वती खड्कापि पाहां जुयादीगु खः ।

नेवा: पत्रकार राष्ट्रिय दबूया नायः श्रीकृष्ण महर्जन न्ह्याका:दीगु उगु ज्याभवःया पाहाँपिन्सं नेवा: एफ एम. नेवा:तयगु गौरवया खँ खः । थुकीयात व्यवस्थीत रुपं न्ह्याका वनेमा:गु खँय् बः



बियादिल । युवा तथा खेलकुद मन्त्री राजेन्द्र कुमार के.सी. थःगु सांसद कोष पाखें नेपालभाषा एकेदेमीयात २० लख दां ग्वाहालि यानागु खँ कनादिसं हानं ग्वाहालि यायेत थः तयार दुगु खँ कनादिल ।

उपमेयर सरस्वती खड्का नेवा:तयगु आदिभूमि किपुली नेवा:भासं एफ.एम. संचालन जूगु तसकं बांला, थ्व किपूया गौरव खः । बांलाक संचालन याना वने फय्मा: धका: भिन्तुना विसं योजना दय्का: वलधा:सा थःपिन्सं फुगु ग्वाहालि यायेगु बचं बियादिल ।

पूर्व राज्यमन्त्री तीर्थराम डंगोल थः सरकारय् दुबलय् थःगु प्रयासं थ्व एफ एम संचालन यायेगु नितिं अनुमति कायेफुगु खँ न्ह्यथसं भीसं भीपिनं सत्ताय थ्येकेगु कुतः यायेमा:गु खँय् बः बियादिल ।

शताब्दी पुरुष सत्यमोहन जोशी नेपालभाषा एकेदमी पलिस्था यानागु बारे छत्वा:चा खँ न्ह्यथनादिल । अथे हे एकेदमीया सदस्य सचिव मल्ल के.सुन्दर अनक मिडियायात गुगु कथं संचालनया जिम्मा बियागु खँ कनादिल ।

उगु ज्याभवलय् मन्त्री राजेन्द्र कुमार के.सी. व किपू नगर पालिकाया नवनिर्वाचित मेयर, उपमेयर व वडाध्यक्षपिन्त मंका: कथं हनापौ लःल्हा:गु खः ।

## योग साधना समाजया

### हिदान ज्याभवः

ज्वलपा वा:पौ /

गुदं न्ह्यःनिसं त्रिभुवन विश्वविद्यालयया गान्धी भवनय् संचालन याना वयाच्वंगु योग साधना शिविर गुदं फुनां भिदं दत ।

योग साधना समाज भिदं क्यंगु लसताय् म्हिगः भाद्र ३ गते शनिवार न्हूबजा: किपूया हायस बस पार्कय् हिदानया ज्याभवः यात ।

उगु हिदानया ज्याभवलय् मिर्जपिं ८८ म्ह व मिसापिं १८ म्ह याना १०६ सच्छि व खुम्हसं हिदान यानादीगु हिदानया संयोजक र ामकृष्ण महर्जन ज्वजलपा वा:पौयात कनादिल ।



कविन्द्र महर्जन

# भि न्तु ना



रुकेश महर्जन

कीर्तिपुर सन्देश साप्ताहिक व ज्वजलपा वा:पौया ग्वाहालिमिपिं कविन्द्र निर्माण सेवाया प्रोप्राइटर कविन्द्र महर्जन व आर एम.के. निर्माण सेवाया प्रोप्राइटर रुकेश महर्जन काठमाण्डौ उपत्यका निर्माण व्यवसायी संया भिन्त्याक्वःगु (१५औं) साधारण सभा, च्याक्वःगु (८औं) अधिवेशनय् कविन्द्र महर्जन प्रथम उपाध्यक्ष व रुकेश महर्जन केन्द्रिय समिति सदस्यय् निर्वाचित जुयादीगुलिं वय्कःपिन्त भिन्तुना देछाया च्वना । नापं वय्कःपिनिगु कार्यकाल सुथां लाय्मा धका: कामना यानाच्वना ।

**कीर्तिपुर सन्देश साप्ताहिक**  
**ज्वजलपा वा:पौ**  
**निखासी, किपू-१०**



# ट्रि मिडिया अब online news पनि Log on [www.tmednews.com](http://www.tmednews.com)

“हाम्रो खबरदारी, विकासमा साभेदारी”

कुनै पनि घटना, उत्सव वा कार्यक्रमको बारेमा हामीलाई भन्नुहोस  
हामी दिनेछौं, तपाईंको आफ्नै खबर पल पलको

**SUBSCRIBE**



## Tree Media Nepal

साथै



शिल्ड, ट्रफी, मेडल, मायाको चिनो, अवार्ड  
आदि उचित मुल्यमा उपलब्ध छ।

ट्रि मिडिया प्रा. लि.

कीर्तिपुर-१०, काठमाडौं

सम्पर्क : ०१-८३३८८७८, ०१-८३३९८८२

ई मेल : [treemedianp@gmail.com](mailto:treemedianp@gmail.com)  
[www.tmednews.com](http://www.tmednews.com)